



## Nakorsartinneq

Nalinginnaasumik nappaat nakorsarneqarsinnaasanngilaq. Ungillerinermi tarnut pisiniarfimmi pisiassaq zink-imik akulik (zinklinement) atorneqarsinnaavoq.

## Taama nappaateqartoqartillugu maleruagassat

Naartusunut kuppiararsimanngitsunut nappaat immikkut navianaatitaqarpoq. Sullivinnik Nakkutilliisoqarfik nittartagaq [www.at.gl](http://www.at.gl) aqqutigalugu paasiniaavigiuk.

## Kingunerluutaasinnaasut

Inuit nappaatinut akiusinnaassusaat annikillisimasut soorlu HIV-mik tunillatsissimasut, aammikkut kræfteqartut immaqalu nappaatinut akiuussinnaassutsimik annikillisitsisunik nakorsaatitortut peruluutigisinnaavaat. Tappiorannartoq kuppeeralersitsisartoq nappaat qaangiutereersoq timimiiginnartarpoq kingusinnerusukkullu avinnermik nappaateqalernermit (helvedsild) patsisaasinnaasarluni. Nappaat taanna inersimasunit nappaatigineqalerajunneruvoq ammillu ilaani annernartunik pullaqisoqalerneranik ersiuteqarluni. Pullaqinerit taakku takkunneriniit sap. ak. ataatsip ingerlanerani seerisuni tappiorannartoq virus kuppiararsimanngitsunik tunillaasinnaavoq. Sivisuumik anniaataasinnaavoq. Avinneq (helvedesild) meeqqanit aamma nappaatigineqarsinnaavoq. Inuit annikitsumik nappaatinut akiuussinnaassusillit annertuumik eqqorneqarsinnaasut (generaliseret Herpes Zoster) ilaatigut tappiorannartunut virus-inut nakorsaatitortinneqartarput.

## Meeqqerivimmukaqqinnissaq

Kuppiaqqat qalipaataq panerpata nappaat tuniluussinnaajunnaassaaq.